



INATSISARTUT

## Aningaasaqarnermut Naalakkersuisoq

Ulloq: 24. oktober 2018

J.nr.: 01.31.06/18-00813

### Aningaasaqarnermut Akileraartarnermullu Ataatsimiititaliap marlungornermi ulloq 16. oktober 2018 aalajangiineranik Naalakkersuisunut ilisimatitsineq.

#### Kontomi pingaarnermi 89.72.12 Inissialiassat taartissanillu inissialiortiterneq aamma kontomi pingaarnermi 01.10.15 Inatsisartut ataanni sanaartorneq aserfallatsaaliuinerlu pillugit nikititerinissaq - Suliaq nr. 01.31.06/18 – 00813.

##### Naalakkersuisut inassutigaat,

- kontomi pingaarnermi 89.72.12 Inissialiassat taartissanillu inissialiortiterneq suliassaq nutaaq nr. 020.31.049 Qaqortumi Centerip illutaanik iluarsaassineq pilersinneqassasoq, aamma
- kontomi pingaarnermi 89.72.12 Inissialiassat taartissanillu inissialiortiterneq suliassami nr. 020.31.049 Qaqortumi Centerip illutaanik iluarsaassineq aningaasaliissutit 17,0 mio. koruuninik amerlineqassasut, aamma
- kontomi pingaarnermi 89.72.12 Inissialiassat taartissanillu inissialiortiterneq suliassamut nr. 996.31.043 Nuna tamakkerlugu oqussimasunik iluarsaassineq aningaasaliissutit 5,0 mio. koruuninik amerlineqassasut, aamma
- kontomi pingaarnermi 01.10.15 Inatsisartut ataanni sanaartorneq aserfallatsaaliuinerlu suliassamut nr. 060.10.049 Inatsisartunut inissiisarfiit aningaasaliissutit 3,0 mio. koruuninik amerlineqassasut, aamma
- kontomi pingaarnermi 89.72.12 Inissialiassat taartissanillu inissialiortiterneq suliassamut nr. 060.31.033 Inissianik ingutserinerit aningaasaliissutit 2018-imi 25,0 mio. koruuninik ikilineqassasut, aamma
- kontomi pingaarnermi 89.72.12 Inissialiassat taartissanillu inissialiortiterneq suliassamut nr. 100.31.046 Inissianik nutarterineq, Asiaat aningaasaliissutit 8,7 mio. koruuninik amerlineqassasut, aamma
- kontomi pingaarnermi 89.72.12 Inissialiassat taartissanillu inissialiortiterneq suliassamut nr. 100.31.036 Inissianik ingutserinerit aningaasaliissutit 2018-imi 8,7 mio. koruuninik ikilisinneqassasut.”

#### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

##### Aasianni iluarsaanissamik suliaq:

Qinnuteqaammik matuminnga isummerfiginninnissani Aningaasaqarnermut Akileraartarnermullu Ataatsimiititaliap ulloq 19. september 2018-imi kinguartippaa, tassungalu atattillugu Aasianni iluarsaanermut suliassamut aningaasanik nuussinerup siuumoortumik akuersisutiginneqarsimanginneranut Naalakkersuisut oqaaseqaateqarnissaannik qinnuiginninnini saqqummiullugu.

Tamatuma kingorna Naalakkersuisut akissutaat ataatsimiititaliamit tiguneqarpoq tusaatissatullu tiguneqarluni.

Missingersuusiornermut inatsit malillugu siumoortumik aningaasaliissuteqartoqarsimatinagu aningaasartuuteqartoqarsinnaangilaq. Sanaartugassanut suliani sanaartugassatut sulianut ataasiakkaanut aningaasaliissuteqartoqartarmat ataatsimiititaliap Naalakkersuisunut eqqaasitsissutigissavaa. Taamaattumillu suliassaq nutaaq Inatsisartunit imaluunniit Aningaasaqarnermut Akileraartarnermullu Ataatsimiititaliamit ilassutitut aningaasaliissutitut akuerineqartussaavoq. Tamanna Aasianni iluarsaanissamik suliami pisimanngilaq. Suliaq naamassineqareersoq Naalakkersuisunit paasissutissiissutigineqarpoq, tamatumani paasineqarsimalluni tamanna sioqqullugu aningaasat nuunneqarnissaat qinnutigineqarsimanngitsoq.

Aningaasat atorneqareerneranni aningaasaliissuteqarnissamik qinnuteqaatit ataatsimiititaliamit nalinginnaasumik suliarineqarneq ajormata ataatsimiititaliamit erseqqissaatigineqassaaq. Aammalu ilassutitut aningaasaliissuteqarnissamik qinnuteqaatit aningaasat ukiuannut ingerlasumut atuuttut kisimik ataatsimiititaliamit akuerineqarsinnaapput. Taamaattumillu atuneq namminermit ataatsimiititaliamit akuerineqarsinnaangilaq. Naatsorsuusiornarli paasinar-tooqqullugu aningaasat atorneqarsimasut naatsorsuutitigut eqqortumik suliarineqartariaqarnerat ataatsimiititaliamit paasilluarneqarsinnaavoq. Taamaattumillu aningaasat suliassap nutaap Naalakkersuisut inassuteqaatiminni allassimasaata ataani naatsorsuutitut ilannguneqarsinnaanerat ataatsimiititaliamit ilalernerqarsinnaavoq. Ataatsimiititaliamit erseqqissar-neqassaaq pisoq ataasiartumik pimmat aammalu suliap naatsorsuutitigut eqqortumik pineqarnissaannik kissaatip akuerineqarnera missingersuusiornermut inatsimmi aalajangersakkat malinneqannginnissaannik maligassiinngimmat.

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga



Sara Olsvig

Aningaasaqarnermut Akileraartarnermullu Ataatsimiititaliap siulittaasuata tullia